

房縣志卷一

星野

封域分星自周禮保章氏始而班固漢志取三統歷十二次配十二野魏陳卓更以各國分繫二十八宿爲度次容齋洪氏嘗詆其謬誠哉天道遠而難知也房古梁州域分野屬魏象緯微茫原難臆測而餘光分照亘古不移姑備一門以俟知星者辨之志星野

唐書天文志翼軫鶉尾也初張十五度餘千七百九十五秒二十二太中翼十二度終於九度自房陵白帝而東

房縣志

卷一 星野

一

盡漢之南郡江夏東達廬江南部濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象龔繡容白廉州巴西亦鶉尾之墟

漢書地理志楚地翼軫分野周官保章氏註十二次之分鶉尾楚也皆統全楚區域言之非專指一隅也府志以鄖屬梁州域天文實參之宿故房於參爲近總序以爲參柳不言其所入之度按左傳參爲晉星距楚甚遠又按三河周分爲柳星張鶉火大約以舊說鄖陽爲三河

地故房附之耳然考爾雅柳鶉火也荆楚要覽軫之終度其西北界雍州鄖陽六縣故漢中郡古爲梁庸商麋諸國是秦楚之隅其星東井輿鬼終柳六度接於鶉火柳與軫度較近總之翼軫爲全楚分野房隸楚省應爲荊州分星所轄宜遵一統志翼軫分野爲是

按星野之不可據先儒疑之者多矣如雍州在西而配鶉首在南吳越揚俱在東南而配星紀在東北猶曰宿座相合也翼在北而西配大梁魯居東而西配降婁燕居北而配析木於東齊居東北而配元枵於正北是地

在此而星在彼矣至若當分而合當合而分則荆揚連疆而一次翼軫一次斗女兗徐接壤而一次角亢一次奎婁雍秦與東海相懸也而星則奎璧同宮幽燕去吳越甚遠也而宿則箕斗並舍如此之類不可枚舉卽以鄖陽一府按之同爲梁州之域宿宜同係參分卽或轉運有差亦萬不至出畢觜東井外也乃房與二竹皆屬西南之實沈而鄖縣保康與房爪牙相交何又屬東南之大火地不過百餘里而於辰則隔辰巳午未於星則隔尾箕斗牛女虛危室璧奎婁昴胃畢觜十五座之遠

有此理哉然縣猶不同也至於鄖卽鄖陽附郭之縣而或又以鄖陽爲三河地在柳十四度星七度張十八度之間同一地而旣分於守又分於周梁何說也然則紛離乖謬不但秘占所云度數不足據也卽費眞之周易分野蔡邕之月令章句可盡信而無疑乎姑仍舊說質之博雅君子考定其實焉

疆域

周禮大司空稽天下地土之圖知九州之地域漢收秦圖籍知天下之阨塞唐元和之十道宋元豐之九域咸

房縣志

卷一 疆域

三

以辨險易別疆索意甚深也房域歷代建置不同明始屬鄖陽

國朝因之素稱千里萬山四塞歷覽不能窮其奧載籍莫能詳其形茲旣作圖卷端復審定方隅核明里至俾閱者得攬其全勢焉志疆域

東百三十里抵保康縣界

一徑二百里抵襄陽府穀城縣界

南二百五十里抵宜昌府興山縣界

西百二十里抵竹山縣界

一徑百八十里抵竹山縣界

北百六十里抵鄖縣襄陽府均州界

一徑百五十里抵鄖縣界

一徑二百里抵鄖縣界

東南二百里抵保康縣界

西南五百四十里抵四川大甯縣界

一徑四百八十里抵竹谿縣四川大甯縣界

一徑四百八十里抵四川巫山縣界

一徑四百七十里抵宜昌府巴東縣界

房縣志

卷一 疆域

四

西北百九十里抵竹山縣鄖縣界

東北百八十里抵襄陽府均州界

一徑二百四十里抵襄陽府穀城縣界

廣四百一十里袤三百九十里

西北至東南斜長三百九十里

東北至西南斜長七百九十里

至府陸路三百六十里

一徑三百二十里

至省陸路由保康一千二百九十里

水路由穀城一千七百八十里

形勝

先王畫井分疆必擇山川形勝之區以建郡邑而人才之盛衰物產之豐耗因之房治綿亘千里素稱忠孝名邦其間山重水複毓秀鍾靈誠有物阜而人傑者固不第侈登臨之勝也志形勝

房居萬山底

庾斯錄記

歷五代亂離無兵火患誠久安之地

陳希夷修域記

有山林川澤之饒

地理志

房縣志

卷一 形勝

五

四塞險固

華陽國志

其險也有建鼓馬鬣之崔嵬其勝也有睡嶽龍光之幽密

呂昌明賦

十盤山影八渡泉聲重重天險之地

明督學薛網集

縱橫千里山林鞏固

郡志

西通川陝北抵鄖漢東連襄鄧南接興巴四面皆山林鞏

固巍然高峻有如房室

舊志

房城背臨北河前展南山左控泰山之高右帶二郎之勝

防渚紀聞

沿革

先王疆理天下因時制宜三代以上制為封建秦患諸侯割據易以郡縣漢唐以來悉因之大抵取形勢之便於控馭人情之易於聯絡而已房古麋庸地其間為國為郡為軍為州縣不一而舊志無存莫可詳究謹參之正史以表其畧志沿革

房縣故梁州域屬麋庸地

左傳杜註庸今上庸縣麋亦國名

牧誓武王伐

紂庸在焉括地志房州竹山縣古庸國春秋為房渚左傳文公十一年厥貉之會麋子逃歸又楚子伐麋成大

房縣志

卷一 沿革

六

心敗麋師於防渚

寰宇記房初為防名後漢改為房以陵為名

戰國時屬秦

而楚亦兼得其地秦并天下置漢中

史記秦始皇誅嫪毐遷蜀四千餘家

於房陵括地志房陵即今房陵縣水經注有粉水縣居其上故曰上粉縣

漢初因之武帝置

十三州刺史改梁為益房陵隸漢中郡漢未以漢中郡分魏興房陵上庸三郡又改房陵為新城郡魏晉因之

屬荊州晉惠帝時還屬梁州南北朝宋因之南齊改為

南新城郡梁岐州

寰宇記侯景之亂地入於後魏

西魏光遷國後周遷

州隋房陵郡領光遷永清竹山上庸屬梁州唐更光遷

曰房陵餘仍隋舊房州治在竹山後移房陵隸山南東

道唐太宗分天下爲十道天

五代因之宋升房州爲保康軍節度省
上庸入竹山仍屬房州隸京西南路紹興元年置金均
房鎮撫使房仍隸京西南路十年置金房聞達安撫使
房又改隸利州路宋末知州黃司賢納土於元仍領州
事元廢保康軍爲房州領房陵竹山二縣隸襄陽路明
洪武十五年以房州治房陵縣省入旋降州爲縣屬襄
陽府成化十二年建鄖陽府房縣屬焉
國朝因之

		明太祖		元		房縣志											宋太祖	
州洪武縣八年降房	房縣			房陵		卷一 沿革						房陵						
	襄陽府	房州		房州								保康軍		保康軍				房州
	湖廣道	湖廣道	廢房州保康軍復為	襄陽路	路六年隸京西南		建炎四年置安	京西南路	襄陽路	利州路								

憲宗

房縣

鄖陽府

湖廣道

孝宗

房縣

鄖陽府

湖廣道

國朝

房縣

鄖陽府

湖北省

宏治五年都御
史戴珊奏割房
縣東修文二鄉
宜陽二置保
康縣屬鄖陽

成化十二年流
寇作梗都御
原傑奏請陞襄
屬鄖縣為鄖陽
府房縣改屬焉

房縣志

卷一 沿革

十三